

1 DI JANUARI 1999 GABINETE EMAN LO KITA E DESIGUALDAD Y DUNA BON CUIDO MEDICO NA UN Y TUR

ORANJESTAD(AAN) -- Minister di Salubridad Publico Ike Posner a duna di conoce cu dia pa dia e fecha historico di 1 di Januari 1999 ta jegando serca, caminda Gabinete Eman ta cumpli cu otro promesa electoral y lo percura pa e asegurado medico general AZV ta drenta na vigor. AZV sigur lo nifica un mehoracion grandi den salubridad publico na Aruba.

Den cambianan asina grandi semper lo bai tin personanan cu lo prefera pa e systema bieuw keda na vigor. Ta obligacion di nos tur pa informa y convence e personanan aki cu e unico forma con pa logra bai dilanti ta atraves di cambio. Pero un cambio responsable, basa riba e experiencia existente. Y esey ta hustamente loke e systema nobo di asegurado medico general AZV ta ensena, un mihor



cuido medico, mas pagable, y sin discriminacion. Cuido Medico pa TUR hende.

FINANCIAMENTO DI AZV

Un di e personanan cu a vocifera den prensa den ultimo dianan contra introduccion di AZV ta e presidente nobo di e asosacion di especialista dr. Hunt Riley, y a resulta cu varios di su ponencianan ta basa riba falta di informacion di su banda. Colega dr. Riley a menciona cu e systema di pago di prima no ta regla. Akinan atrobe ela worde malinforma ya cu esaki simplemente no ta correcto. Segun ley tin un aña di tempo, despues di introduc-

cion di e pakete di doktenan di cas, pa presenta e prima exacto den parlamento. Sin experiencia practico basa riba frecuencia di uso ta irresponsable pa mara e systema na un percentahe cu por ta demasiado halto of abao. Tocante debe atrasa tambe tin informacion incorrecto riba cual dr. Riley ta basa su reaccion. Colega Riley no sa cu tin un arreglo di pago na vigor y cu ta e parti di e saldo di e verreckening so tin un discusion riba dje ainda? Un comision special consistiendo di representantenan di e zorgverleners lo sinta na mesa e siman aki cu director di Financien pa jega na un arreglo tocante pagonan atrasa.

GREMIONAN

Dr. Riley ta papia cu no tin un acuerdo cu gremionan. Dr. Riley no sa cu diaranson dia 2 di December a sinta na mesa cu tur gremio pa informa riba e ultimo fase promer cu introduccion dia 1 di Januari 1999? Cu dokternan lo no a sali for di servicio di gobierno ainda, tampoco no ta correcto. Cu

nan ta sali for di servicio di gobierno y drenta bek den servicio di AZV ta regla desde 1 di November 1998. Un carta a worde manda pa tur dokter firma pa Minister Presidente Henny Eman y Minister di Salubridad Publico dr. Ike Posner. E desicion a worde manda DPO pa ehecucion. Loke ta pendiente ainda ta nan pensioen y seguro medico adicional pa e dokternan mes. Minister Posner lo bai propone pa esakinan cai bao di e mesun reglamentacion vigente pa empleadonan publico.

Minister Posner ta lamenta cu dr. Riley a worde malinforma riba algo asina importante manera AZV. Ta di lamenta pasobra esaki por crea un impresion robes di un colega respecta manera dr. Riley. Minister dr. Posner ta recomenda dr. Riley pa combersa cu e directiva anterior di asosacion di especialista pa nan informe kico tur a worde hasi pa cu AZV durante ultimo añanan. Nan tabata involvi desde un principio.

Poisble caso di overdosis?

Turista a bula for di container y bay cay den baki grandi di sushi

ORANJESTAD(AAN) -- Ayeranochi asistencia di Polis a worde pidi na Divi Divi Beach Resort pa un turista cu tabata completamente sunu y ta core pa loco manera un hende cu lo a usa demasiado droga.


E patruya di Polis cu a yega na e resort a bin haya e homber turista drumi riba caminda y algun miembro di seguridad ta want'e.

E agentenan policial a bin haya sa cu e turista tabata core pa loco y na dado momento a subi riba un container di 40 pia cu ta staciona banda di cura di e resort. E turista aki aparentemente a kere cu e ta superman y a lanta bula over di e cura y bay cay den un baki sushi grandi cu e resort ta usa pa benta desperdicionan di construcccion. Dios gracia cu e turista no a dal su cabez contra e baki sino lo tabatin un caso fatal.

Asistencia di ambulance a worde pidi pa asina transporta e turista aki pa hospital pa haya tratamiento medico. Na e lugar por a scucha hen-

denan ta papia cu posiblemente ta trata aki di un caso di overdosis di droga. Su señora cu ta hospedando den un otro hotel ta na altura di loke a sosode. Departamento di Narcotica a worde notifica di e caso aki.

NO WORK NO PAY!!



Telefonnan di
DIARIO

826747

Fax:

828551

